


便初集 神

漢書門	
一	二
一	九
六	九
冊	架
函	號
類	

內閣文庫	
三〇	三四
函	九
一	七
架	冊
號	類

內閣文庫	
番號	漢 12497
冊數	6 (2)
函號	301 77



醫便初集卷下

秋月諸症治例

丙經曰秋三月此謂容平。天氣以急，地氣以明，早臥早起。

與雞俱興，使志安寧，以緩秋形，收斂神氣，使秋氣平，無外

其志，使肺氣清。此秋氣之應，養收之道也。逆之則傷肺，冬

為發泄奉藏者少。○大抵秋三月，天氣清肅下降，人氣亦


散。○秋月肺大腸金氣用事，金旺則木受斂，故有諸鬱諸

氣諸痛諸瘡諸積等症，皆隨症輕重，加減治之。宜培脾土

以生肺金，滋腎水以養肝木，養血以潤燥，損有餘，益不足。

散。○秋月肺大腸金氣用事，金旺則木受斂，故有諸鬱諸

氣諸痛諸瘡諸積等症，皆隨症輕重，加減治之。宜培脾土



Handwritten mark or signature in the bottom right corner of the page.

此大法也。今將秋月諸症宜用之方，備陳於左。

參蘇飲 治秋月傷寒發熱、頭疼、咳嗽，或中脘痞滿、嘔吐。

痰水寬中快膈，不致傷脾及感冒風邪，頭疼鼻塞、憎寒。

壯熱名重傷風服之極効。

人參八分 紫蘇葉 前胡 半夏 葛根各壹錢 茯苓 桔

梗 枳殼 陳皮各八分 甘草四分 右用水二鍾，半姜三片。

葱頭一根煎入，分熱服。○咳嗽加五味子五分，久嗽有

肺火去人參，加桑白皮杏仁各八分 鼻衄加麥門冬、山梔

仁炒黑 烏梅茅根各壹錢 嘔逆加砂仁五分 脾泄加白朮、黃芪

白扁豆蓮肉各壹錢

氣症有九，其治則一。惟順與降最為要法，須兼鬱治，宜用

十六味木香流氣飲主之。此方治男婦五臟不和、三焦

氣壅、心胸痞悶、咽塞不通、腹脇脹滿、嘔吐不食、上氣喘

急、咳嗽痰盛、面目浮、四肢腫、小便秘、大便結、憂思太過、

陰陽之氣鬱結不散、壅滯成痰、脚氣腫痛、并氣攻肩背

脇肋走注疼痛，並宜服之。

紫蘇葉 當歸 川芎 青皮 烏藥 桔梗 白芍

藥 茯苓 半夏 黃芪 枳實各八分 防風五分 甘草叁分

木香五分 陳皮 檳榔各六分 右用水二鍾，姜三片，棗一枚

煎一鍾，不拘時溫服。

上磨飲子 治七情鬱結等氣或脹滿或走注攻衝

木香 沉香 檳榔 枳實 烏藥各等分酒磨服

開鬱湯 治惱怒思慮氣滯而鬱一服即效

香附童便浸炒 貝母各壹錢半 蒼朮 撫芎 神麴炒 山梔炒 陳

皮去 茯苓 枳殼去穢炒 蘇梗各壹錢 甘草叁分 姜一片水煎

食遠服有痰加半夏南星各壹錢 有熱加黃芩黃連各八分

柴胡壹錢 血鬱加桃仁紅花各八分 濕加白朮羌活各壹錢 氣

加木香五分 檳榔八分 食積加山查神麴各壹錢 砂仁七分

鐵瓮先生交感丹 治先富後貧先貴後賤或終身抑快

不快及婦人七情鬱結不開並效

香附童便浸高一指七日洗淨晒乾醋炒壹斤 白茯苓去皮心四兩人乳浸

右為末煉蜜七分神麴三分 打糊為丸如彈子大每服

一丸不拘時滾白湯化下

加味越鞠丸 調脾胃開鬱思食氣虛者不宜多服

香附童便浸晒乾炒四兩 蒼朮米泔浸去皮炒四兩 撫芎四兩 山梔四兩 姜兩

神麴炒四兩 陳皮去白貳兩 白朮炒壹兩 山查淨肉貳兩 黃芩酒炒壹兩半

右為末米丸如梧桐子大每服六十九丸食後白湯下

潮熱之症有陰陽之分平旦潮熱自寅至申行陽二十五

度諸陽用事熱在行陽之分肺氣主之宜白虎湯瀉肺

中之火日晡潮熱自申至寅行陰二十五度諸陰用事

熱在行陰之分腎氣主之故用地骨皮以瀉血中之火
 蓋地骨皮瀉腎火總治熱在外牡丹皮治心包絡之火
 無汗而骨蒸又能瀉陰中伏火四物湯內加此二味治
 陰分潮熱極效婦人骨蒸潮熱以逍遙散加此二味累
 用尤妙若氣虛潮熱用黃芪錢參人參各壹錢甘草五分甚者
 加熟附分五二三服即效蓋甘溫能除大熱也若血虛發
 熱用四物湯加柴胡防風地骨皮極效
 加味犀角地黄湯治吐血嘔血衄血蓋諸失血乃火載
 血上錯經妄行其脉必芤此方主之身熱脉大者難治
 血症復下惡痢者易愈

犀角鎊 生地 芍藥 牡丹皮 麥門冬 山梔仁炒

韭菜根自然汁 吃透各等分 右每服五錢水一鍾半煎七分溫服

一方 治吐血不止用乾姜炒黑臘月裝入牛膽內至春
 取出為末每用方寸匕童便調下立效此從治也

一方 治諸失血用壯血餘燒灰存性每服二錢米飲調
 下立止衄者以少許吹入鼻中

玄霜膏 治吐血虛嗽神效

烏梅煎濃汁 姜汁壹兩 蘿蔔汁四兩 梨汁四兩 柿霜四兩 欬冬花

紫苑各貳兩俱為末已 另用白茯苓十兩取淨末五斤

用人乳三斤將茯苓末浸入取出晒乾又浸又晒乳盡

為度却將前冬花紫苑末柿霜白糖并各汁再加蜜糖
 四兩和勻入砂鍋內漫火熬成膏丸如彈子大每服一
 丸臨臥時嚙化薄荷湯嗽口半月即効

濁血屬熱盛下焦痛者為血淋不痛為溺血生地飲主之

生地四錢 小蘗 滑石 通草 蒲黃炒 淡竹葉 藕節

當歸 山梔 甘草稍 各五分 水煎空心服

小兒溺血 用甘草升麻煎湯調益原散空心服立効

清心蓮子飲 治遺精夢泄赤白濁用水煎空心服

黃連 生地酒洗 麥冬 當歸酒洗各壹錢 甘草半生半炙五分 茯苓

壹錢 遠志七分 酸棗仁八分 石蓮肉壹錢 人參八分初起不用

金櫻煎丸 治夢遺精滑及小便後遺瀝或赤白濁神効

芡實四兩 白蓮花鬚未開者佳貳兩 白茯苓去皮心貳兩 龍骨煨五錢 秋

石真者壹兩 右為末聽用外採經霜後金櫻子不拘多少去

子并刺石臼內搗爛入砂鍋內水煎約水耗半取出澄

濾過仍煎似稀餲和藥末為丸如桐子大每服八十九

空心鹽酒下餘膏每用一匙空心熱酒調服

歸脾湯 治思慮過度損傷心血健忘怔忡不寐

白朮 茯苓 黃芪 當歸各壹錢 木香叁分 圓眼叁枚 人參

八分 甘草炙叁分 棗仁炒研壹錢貳分 姜一片棗一枚水煎服

自汗陽虛宜黃芪白朮湯主之

黃芪壹錢半 人參壹錢 白木麩炒壹錢貳分 甘草炙五分 當歸八分 用浮

小麥一撮 水一鍾半 煎七分 食遠服 忌五辛熱物

盜汗陰虛 宜當歸六黃湯主之 乃治盜汗之聖藥也

當歸 生地 熟地各壹錢 黃連炒 黃栢炒 黃芩炒各八分 黃

芪壹錢半 牡礪煨五分 水二鍾 煎一鍾 臨臥通口服

耳鳴肺火盛 腎氣虛 宜四物湯四錢 黃栢參錢 童便煎 空心服

通靈丸 治耳聾 松香五錢 巴豆貳十粒 右將松香溶化

入巴豆末和勻 葱汁為丸 如棗核大 綿裹塞耳 左聾塞

右 右聾塞 左兩耳聾 次第塞之

治耳痒出膿 白枯礬五錢 麝香五厘 胭脂胚叁分半 陳皮灰五分

右為末 先用綿枝子纏去膿 另用綿裹藥作丸 塞耳內

四物三黃湯 治目赤暴發 雲翳赤腫 痛不可忍

當歸 川芎 芍藥 生地各壹錢 羌活 防風 黃芩

龍膽草 甘菊花 黃連各八分 玄參 薄荷各五分 右用

水一鍾半 煎八分 食遠通口服

石膏羌活散 治久患兩目不覩光明 遠年近日內外氣

障 風熱上攻 昏暗拳毛倒捷 一切眼疾 並宜服之

羌活 治腦熱 蜜蒙花 治羞明 木賊 退翳 白芷 清利 麻子

起拳 細辛 起倒 川芎 治頭 蒼朮 行氣 石膏 去胃 黃芩 退

火 甘菊花 明目 荆芥 治目中 藜本 治偏正 甘草 和諸藥 各等分

右爲末每服一錢至二錢食後臨臥用蜜水一盞調下
或清茶亦可日進三服十日漸明二十日大驗後人加
當歸枸杞梔子仁連翹柴胡薄荷防風桔梗天麻各等
分爲小丸服亦効

加味羊肝丸 治一切目疾翳膜內外障

白乳羊肝

一具以竹刀割開去膜蒸熟搗如泥

甘菊花

五錢

黃連

壹兩

防風

去蘆

薄荷

去梗

荆芥穗

去梗

羌活

五錢

當歸

五錢

生地

五錢

川芎

參錢

右爲

末羊肝泥和爲丸如丸不就加少酒糊丸如桐子大每
服六七十丸食後漿水下臨臥清茶下減半

育神夜光丸 明目去翳障神効

當歸

酒浸洗全用烘乾

遠志

甘草水煮去心

牛膝

去蘆酒洗懷慶者佳

甘菊花

去梗

葉

地骨皮

去木洗淨

甘枸杞

去梗

兔絲子

酒洗去土再以酒浸經宿煮爛搗成餅晒

乾

懷生地

酒洗

熟地

酒洗煮爛二味同入石臼內搗如泥

右除地黃外共

爲末以地黃膏和勻煉蜜爲丸如桐子大每服六十九

空心鹽湯食後溫酒臨睡清茶送下

洗眼方當歸

黃芩

黃連

各壹錢

銅綠

皮硝

白礬

各七

分右藥以絹袋盛煎湯洗目極明去熱

又方用王瓜

去襪

以皮硝裝入醃一宿待硝吐出洗目極明

清胃散

治胃經風熱牙疼或牙根腫痛或牽引頭腦俱

痛或面上發熱並治此方累用極効

當歸身酒浸黃連溫酒洗生地各壹錢升麻貳錢石膏貳錢牡丹皮

去木壹錢五分水煎食後少時服

治風蟲牙疼痛不止 用水煎漱 漱勿嚥 極效

芫花 小麥 細辛 川椒 蜂房 食鹽各壹錢

白蒺藜散 治牙疼 齧腫 動搖 常擦固齒 此與旱蓮草二方試過極效

白蒺藜不拘多少 去刺 爲粗末 每服五錢 淡漿水半碗

煎七八分 去渣 入炒鹽末一撮 帶熱時時漱之 別無所

忌 雖藥味不衆 取効甚速 神仙秘旨云 若服蒺藜一年

冬不寒 夏不熱 二年髮白復黑 齒落更生 三年長生 輕

身 今雖不作湯散服 餌久而漱之 其効亦同

烏鬚固齒方 七月取旱蓮草連根一斤 無灰酒洗淨 用

青鹽四兩 醃三宿 取出 無油鍋內炒存性 時將原汁漸

傾入 炒乾爲末 每清晨用一錢刷牙 連涎嚥下

治陰虛氣鬱 牙出鮮血方

川芎 當歸 白芍藥 生地 生甘草減半牛膝 側

柏葉 香附各等分水一鍾半煎八分 食遠服

汨舌上無故血出如線不止 用槐花炒爲末 搽之

治小兒走馬牙疳 一時腐爛卽死 此方神効

婦人溺桶中白垢火煨壹錢銅綠叁分麝香壹分和勻敷上

既濟丹 治口舌瘡神効

秋

用黃連乾姜等分爲末，搽上，流涎即愈。

治小兒口瘡，不下乳食，以白礬湯於脚上浸半日，頓寬試效，再以黃柏蜜炙、僵蚕炒等分爲末，傅瘡上，立下乳而安。

蒼耳丸 治鼻流濁涕不止，名曰鼻淵。

辛夷去梗 蒼耳子貳錢 白芷壹兩 薄荷葉五錢 爲末水丸彈

子大每丸一錢，每服二錢，食後葱茶湯下。

治血熱入肺，名曰酒渣鼻，用苦參淨末、當歸淨末、酒糊丸。

如桐子大，每服八十九，食後熱茶下，一方盡立效。

喉痺十八症，皆屬火重者，宜吐，宜刺出血，又針少商、照海二穴，極妙，宜服冰梅丸，此方治喉痺十八種神效，試過。

大南星鮮者二十 大半夏鮮者五十 白礬四兩 皂角四兩

子淨 防風四兩 鹽四兩 桔梗貳兩 朴硝四兩 揀七分熟大梅子一百

箇，先將硝鹽水浸一周時，後將各藥碾碎，入水拌勻，

將梅子置水中，其水過梅子三指爲度，浸七日，取出晒

乾，又入水中浸透，又晒乾，候藥水盡爲度，却將梅子入

磁瓶密封，如霜衣起更妙，用時以薄綿裹之，嚙在口，令

津液徐徐嚥下，痰出即愈，一梅可治三人，不可輕棄。

青龍膽 治咽喉閉塞腫痛，并單雙乳蛾，用青魚膽不拘

數，以好鴨嘴膽礬逐箇裝滿，陰乾爲末，淨用 黑牛膽一

箇，以白礬砂裝入，陰乾爲末，淨用 山豆根末壹錢 右三味

和勻加冰片三分點蛾上或吹入神效 試過

牛旁子散 治風熱上攻咽喉腫痛或生癰瘡潰爛

牛旁子 錢貳 玄參 去蘆 升麻 桔梗 去蘆 犀角 鎊 黃芩 木通

去生甘草 各壹 水二鍾煎八分食後服

烏鬚羊肝丸 不獨烏鬚髮亦能明目

黑羊肝 一具竹刀切片擺磁盆內羊膽汁塗晒乾日日

將膽汁塗晒至百箇為上少則三五十箇惟膽

汁多為佳晒時以稀當歸 四兩 酒浸熟地 用懷慶者酒蒸

絹單之免蠅灰點汚 芎藭 何首烏 酒洗淨蒸 旱蓮草 蒸過 覆盆

子 炒 山茱萸 酒浸去核晒乾 白茯苓 去皮切片人乳浸 夜露便乾

生地 懷慶者酒洗各四兩 壯血餘 童男童女髮 自己髮胎髮不拘 煎湯泡洗淨晒乾

入小瓦罐內黃泥鹽固濟炭火煨通紅埋地中三日取

出 去土敲破碾刮下研入要四兩為佳無則一兩亦可

右藥俱不犯鐵器各晒乾為末另用熟地黃 十二兩 用酒

濃煎汁二碗去渣煮糊為丸如桐子大每服空心酒下

百丸臨睡酒下七十九 染鬚方 一方只用醞茶酒調煮起金花為度搽妙

五倍子 不拘多少去灰研入新鍋內炒存性再以 麥麵

炒黃色 白礬 貳分 食鹽 貳分 紅銅末 醋炒通紅再用醋淬

參分 右為細末用細茶五錢石榴皮訶子肉各壹錢濃煎汁

半酒盞調藥於小盞內以銅杓注水將藥盞放杓內慢

火煮量入水平盞七分勿令水入盞內煮待藥面如綠

醫傳初集 卷下
雲色皺起爲度。次將皂角白礬洗淨鬚髮。鬚拭乾。將盞內藥搽根。并鬚數十次。微火烘畧乾。却盡將藥搽染鬚。鬚上以濕紙數層摺貼在鬚上。外以青布兜之。至天明。鬚下乾了。將溫溫皂角水洗淨根下。若黑。以指點油擦之。少傾以指搽之。如鬚乾燥。以絹包核桃肉擦之。連染二次。如法。其光潤可同生成者。杓內煮藥水。且留每夜擦根。下一二次。則不生白短根。如同自然之妙。

冬月諸症治例

冬三月。此謂閉藏。水冰地折。無擾乎陽。早臥晚起。必待日光。若有私意。若已有得。去寒就溫。無泄皮膚。使氣函脫。此冬氣之應。養藏之道也。逆之則傷腎。春爲痿厥。奉生者少。○大抵冬氣嚴寒。萬類潛藏。君子固密。毋觸冒寒邪。其觸月者。卽傷寒也。悉遵仲景法。茲不詳及。○冬三月。寒水用事。水旺則火受邪。金寡於畏。故喘嗽。腹滿。急痛。癥瘕。積聚。堅痞。癩疔。下利。清白。吐利。腥穢。中風。癱瘓。屈伸不便。厥逆等症。作矣。宜溫中散寒。不宜攻下利泄。今列諸方於左。中風口禁。先用通關散。吹入鼻中。候噴嚏。口開。次用真正

蘇合香丸姜汁調和灌醒後用此方治之

白朮 蒼朮 天麻 當歸 川芎 桂枝 減半 半夏

南星 陳皮 各等分 用水煎加竹瀝一盞姜汁半盞和服

通關散○遼細辛 去土 猪牙皂角 去弦子炙 藜蘆 生用右赤各壹兩

爲末每用一字吹入鼻孔中得嚏爲妙

愈風飲 治半身不遂手足欠利語言費力呵欠噴嚏口

眼歪斜寬弛頭目眩暈痰火熾盛筋骨時痛頭疼心悸

川芎 壹錢 當歸 壹錢 生地 姜汁炒 紅花 四分 牛膝 八分

半夏 壹錢 熟地 姜汁炒 橘紅 八分 鹽 一分 羌活 六分 防風 六分 天

麻 壹錢 南星 姜製 白茯苓 壹錢 黃芩 八分 薄桂枝 六分 冬酸 七分

棗仁 八分 白朮 壹錢 甘草 炙四分 白芍藥 貳錢 黃柏 參分

夏月 右作一服水煎臨服入姜汁竹瀝各參匙清晨溫

服此藥活血消痰踈風順氣走肌表利關節累用極効

冬寒減黃芩 參分 加炮川烏 貳分 桂亦減半風病減川烏桂

俱不用羌活風家要藥若冬月遇有感冒加至一錢故

治風莫先於順氣氣順則痰清火降而風自息矣

烏藥順氣散 治風氣攻注四肢骨節疼痛遍身麻痺手

足癱瘓語言蹇澁筋脉拘攣及脚氣步履艱辛腰膝軟

弱婦人血風老人冷氣胸膈脹滿心腹刺痛吐瀉腸鳴

麻黃 去節 陳皮 去白 烏藥 去木各壹錢半 川芎 枳殼 炒 白芷 白

僵蚕炒去絲

甘草

桔梗

各八分

乾姜

炒四分

右用姜三片葱

白三寸

水酒一鍾半煎八分食遠服○拘攣加木瓜石

斛各八分

濕氣

加蒼朮

白朮

各壹錢

檳榔

七分

脚氣浮腫

加牛

膝五加皮

獨活

各八分

遍身疼痛

加官桂

五分

當歸

壹錢

乳

香沒藥

各七分

腰疼

加杜仲

壹錢

大茴香

七分

虛汗

去麻

黃加黃芪

壹錢

潮熱

去乾姜

加黃芩

柴胡

青藤根

各八分

胸膈脹滿

加枳實

莪朮

各八分

腋間疼痛

加虎脛骨

石楠

葉青木香

各八分

頭眩

加細辛

五分

芽茶

七分

手足不能舉動

加防風

川續斷

威靈仙

各壹錢

陰積浮腫

合和五積散

四

肢皆有疼痺

加川烏

附子

交桂

各八分

麻痺疼痛極者

合

三五七散

左癱右瘓

加當歸

天麻

白蒺藜

各壹錢

二三年

不能行者

合和獨活

寄生湯

服風氣

日夜疼痛

午間輕

夜又重合

和神秘

左經湯

稀簽丸

治肝腎風氣

四肢無力

麻痺

筋骨疼痛

腰膝痠

弱亦能行

大腸氣

又治二十五般風

眼立瘥

常服奇效

用稀簽草一味

此草處處有之

俗呼為火杓草

其葉對

節而生

似蒼耳葉

用五月五

六月六

七月七

九月九

收

採洗去土

摘葉不拘多少

曝乾鋪入甑中

用好酒和蜜

層層勻酒

蒸之復晒

如此九次

為末煉蜜為丸

如梧桐

子大每服五十九

空心無灰酒送下

搜風順氣丸 治三十六種風七十二般氣上熱下冷腰

脚疼痛四肢無力多睡少食漸漸黃瘦惡瘡下痿風氣

癥癖氣塊老少皆可服大能補精駐顏踈風順氣

車前子貳兩 栝榔 大麻子微炒去殼另研 牛膝酒浸二宿 兔絲子

酒蒸搗餅晒乾 枳殼炒 郁李仁湯泡去皮另研 山藥姜汁炒各貳兩 防風去蘆獨

活去土各壹兩 山茱萸去核淨肉貳兩 大黃五兩壹半生壹半煨 右為末煉蜜

丸如桐子大每服三十九漸加至五十九酒茶米飲任

下百無所忌空心臨睡各一服久服去腸中宿滯精神

強健百病不生耳目聰明腰脚輕健老者反少孕婦勿

服如服藥覺臟腑微動以羊肺羹補之又治腸風下血

中風癱瘓語言寒澁百病皆治老人尤宜

冬月正傷寒悉遵仲景法不可移易惟內傷生冷外感風

寒頭疼發熱肩背拘急心腹痞悶嘔逆惡風四肢浮腫

寒熱往來腰膝疼痛及婦人經候不調並宜服五積散

川芎 當歸 白芍藥各壹錢 枳殼 麻黃去根 白芷

半夏各壹錢貳分 厚朴 官桂 乾姜 桔梗 茯苓 陳

皮各八分 蒼朮壹錢半 甘草五分 姜片五分 葱白二根 水煎溫服甚効

加減消風百解散 治冬月傷感風寒頭痛項強壯熱惡

寒身體煩痛四肢倦怠痰壅喘嗽涕唾稠粘自汗惡風

川芎 白芷 陳皮各壹錢 蒼朮壹錢半 紫蘇壹錢貳分 麻黃去根

壹錢 桂枝八分 甘草五分 右用姜三片葱白二根烏豆一撮
水煎溫服以汗為度無汗再服

清肺飲子 欬謂有聲肺氣傷而不清嗽謂有痰脾濕動

而生痰欬嗽者因傷肺氣而動脾濕也病本雖分六氣

五臟之殊而其要皆主於肺蓋肺主氣而聲出也治法

分新久虛實新病風寒則散之火熱則清之濕熱則瀉

之火病便屬虛屬鬱氣虛則補氣宜加四君子血虛則

補血宜加四物兼鬱則開鬱加撫芎香附兼痰則消痰

加半夏瓜蒌仁滋之潤之欬之降之此治嗽之大法也

杏仁去皮尖 白茯苓各壹錢 桔梗 甘草 五味子各五分 橘

紅七分 貝母壹錢 水煎食遠服○凡嗽春多上升之氣宜

清肺抑肝加川芎白芍半夏各壹錢 麥冬黃芩知母各七分

春若傷風欬嗽鼻流清涕宜清涼解散加防風薄荷炒

黃芩麥冬紫蘇各八分 夏月多火熱炎上最重宜清肺降

火加桑白皮知母黃芩麥冬石膏各壹錢 秋多濕熱傷肺

宜清熱瀉濕加蒼朮桑白皮各壹錢 防風五分 黃芩山梔各七分

分冬多風寒外感宜解表行痰加麻黃桂枝半夏生姜

乾姜防風各壹錢 肺經素有熱者再加酒炒黃芩知母各五分

分若發熱頭疼鼻塞聲重再加藁本川芎前胡柴胡各壹錢

錢有痰加半夏南星枳實濕痰脾困再加蒼朮白朮各壹錢

錢有痰而口燥咽乾勿用半夏南星宜加知母蜜水貝

母瓜蒌仁黃芩炒各壹錢夏月熱痰或素熱有痰加黃芩黃

連知母各八分石膏壹錢上半日嗽者胃中有火加貝母

石膏黃連各壹錢五更嗽者加同上黃昏嗽者火浮於肺

不可正用寒涼藥宜加五味子五倍子訶子皮各七分歛

而降之嗽火肺虛宜滋氣補血加人參黃芪阿膠當歸

天門冬欬冬花馬兜苓酒炒芍藥之類肺熱喘欬去人

參用沙參此兼補血氣也午後欬者屬陰虛即勞嗽也

宜補陰降火加川芎當歸白芍熟地黃栢知母天門冬

瓜蒌仁各壹錢竹瀝姜汁傳送此專補陰血而降火也火

鬱嗽謂痰鬱火邪在中宜開鬱消痰用訶子皮香附童便

藥瓜蒌仁半夏麩海石青黛黃芩等分爲末蜜丸嚙化

仍服前補陰降火條所加藥失治則成勞痰積食積作

欬嗽用香附瓜蒌仁貝母海石青黛半夏麩軟石膏山

查枳實黃連姜炒各等分爲末蜜丸嚙化勞嗽見血加

阿膠當歸白芍藥天門冬知母桑白皮亦於前肺虛陰

虛二條參用大抵欬嗽見血多是肺受熱邪氣得熱而

變爲火火盛而陰血不得安寧從火上升故致妄行宜

瀉火滋陰忌用人參黃芪等甘溫補氣之藥然亦有氣

虛而欬血者則宜用人參黃芪欬冬花等但此不多耳

因欬而有痰者欬爲重。主治在肺。因痰而致欬者痰爲重。主治在脾。但是食積成痰。痰氣上升。以致欬嗽。只治其痰。消其積。而嗽自止。不必用肺藥以治嗽也。喘嗽遇冬則發。此寒包熱也。解表熱自除。喘嗽亦止。

枳殼 桔梗 麻黃 防風 陳皮 黃芩 木通 紫蘇 杏仁 各等分 右用姜三片煎服

治風寒鬱于肺。夜嗽者。宜此方。取痰清嗽止。亦治喘哮。

麻黃 不去節梗 杏仁 不去皮尖 甘草 生減半 知母 貝母 各壹錢 右用

姜三片水煎服。有熱加黃芩壹錢。

小青龍湯 治寒嗽極効 方見春類

治男人瘡塊。女人血塊。此方極効。此藥性不猛而功速。

阿魏 壹兩 木耳 四兩 生漆 濾去渣淨四兩 蜜 六兩 右用錫罐一箇盛

藥封固。放鍋內。水煮三炷香。取起冷定。每服二茶匙。燒

酒送下。日進三服。忌油膩魚腥。

瓦壘子丸 消血塊極効。瓦壘子。卽花蚌也。取殼燒。以醋

淬三次。爲末。醋膏丸。如梧桐子大。每服七十九。酒下。能

消一切血氣癥瘕。兼能消痰飲。

蜀葵膏 用蜀葵根煎湯去渣。再入人參白朮青皮陳皮

甘草稍牛膝各等分。煎成湯。入研細桃仁玄明粉各少

許。乘熱飲之。二服當見塊下。如病重者。須補接之後加

減再行此方且攻且補亦有至理

通玄二八丹 治腹內飲食宿滯積聚止瀉痢之妙藥如

治積聚清晨用姜湯服稍瀉二三行即以溫粥補住如

治瀉痢食後用清茶服之即止能行能止真仙方也

黃連半斤白芍藥五錢當歸五錢烏梅去核五錢生地黃

五錢右為末用雄猪肚一箇以藥盛於內用線縫之用

菲菜二斤鋪甑底於鍋內蒸之候湯乾再添水蒸一日

以藥熟為度將猪肚共藥石臼內搗爛為丸如梧桐子

大每服七十九照前引下

又方 黑牽牛貳兩半枳榔貳兩右二味為末每服大人三

錢小兒一錢半五更空心滾水調下凡服藥須上半月

蟲頭向上有效若下半月蟲頭向下則不效矣

治痞結年久成龜鱉者累用極效

用老軍需一味春夏用莖葉秋冬用根不拘多少用好

生酒一確外用鯽魚一雙和藥同入確內日落時煮以

魚熟為度令患人先食魚次飲酒撲至次早去大小便

見物下即是効如不應連服三五次追其物無跡神効

妙不可言仁人君子切勿輕忽○按本草云老軍需春

夏秋冬常有青出眾草為尊莖藤青葉似檳葉而尖小

根如鬚白似芋頭根牽藤而去俗名社公口鬚亦治腫

毒採根插生酒服渣敷患處

治痞積氣塊神方 其症初則如彈漸長如刀或如梭如碗形狀不同令人面黃體瘦飲食少思久治不痊服此方二月漸消三月斷根○用猪澁皮七箇即猪赤腴新針七箇每澁皮用針一箇將針刺破內外外用好明淨皮硝七錢研為細末擦於澁皮上醃七日取出用鐵器焙乾研為細末再用水紅花子七錢焙乾為末與前末和勻每服三錢清晨無灰好酒調服忌生冷房室惱怒不論男女老少腹之左右並皆治之若頻服五七料大便下濃血即是効驗切不可用別藥補之為妙此藥只

可春秋冬合夏恐壞了澁皮若夏月急用將澁皮醃懸放井中一七取出用之亦妙

烏梅丸 治酒積消食積化痰飲神効

烏梅 去核淨肉半斤 半夏 四兩 生姜 自然汁半斤 白礬 四兩 先將半夏烏

梅粗末次將白礬化開并姜汁共前末拌勻新瓦二片夾定炭火上焙三日三夜以乾為度次入神麩麥芽陳皮青皮莪朮枳殼丁皮檳榔各二兩共為細末酒糊為丸如桐子大每服五十九丸食遠姜湯下 按此方治酒積尤効

治一切水腫卑腹脹蠱脹神効煎方

茯苓皮 草果皮 五加皮 大腹皮 甘草皮 牡

丹皮 地骨皮 生姜皮 木通皮 木瓜皮 大腹

子 車前子 葶藶子 兔絲子 紫蘇子 水煎服如

要斷根者將十五味藥各壹錢五分為末 雄猪肝一箇 不下

水者 先將溫水煮一滾 用竹尖鑽孔數箇 入藥在內 蒸

熟切片搗蒜蘸食 不過一二箇 永不發

調中健脾丸 治單腹脹 及脾虛腫滿 膈中閉塞 胃脘作

疼 並皆神效 此藥不傷元氣 服有大益

白朮 六兩 黃土 水拌炒 人參 貳兩 白芍藥 貳兩 半 火煨 黃芪 貳兩 蜜炙 陳皮

參兩 鹽 水拌炒 半夏 參兩 姜 炮七次 蒼朮 貳兩 米泔 浸一宿 炒 茯苓 貳兩 香附 參兩 童便

浸一宿 澤瀉 貳兩 半 炒 紫蘇子 壹兩 半 炒 黃連 貳兩 半 吳萸水 浸一宿 炒 去萸 不用 羅

葡萄子 壹兩 半 炒 薏苡仁 參兩 炒 山查肉 參兩 炒 草薹仁 壹兩 半 酒拌炒 五

加皮 貳兩 炒 沉香 六錢 另研 不見火 瓜蒌 煨壹兩 其法用大瓜蒌 二箇 鏤一孔 每入川椒

三錢 多年 糞礮 貳錢 敲米粒大 俱納入瓜蒌內 外以綿 紙糊完 再用細紙 筋鹽泥 封裝完 固晒乾 入火內 煨通

紅為度 取出 擇去泥 與黑皮一併入藥 右為細末 薄荷大腹皮煎湯打黃

米糊丸 如桐子大 每服百丸 日進三次 白湯下

治心腹痛煎方

半夏 壹錢 貳分 茯苓 各八分 陳皮 各八分 甘草 炙 四分 川芎 壹錢 蒼朮 壹錢

梔子 莖根汁 炒 貳錢 乾姜 炒成炭 七分 存性 右用生姜三片 水煎服

仙方沉麝丸 治心痛腹痛氣痛不可忍 三服除根

沒藥 血結 沉香 辰砂 各五錢 各另研 麝香 參分 另研 木香 壹兩

右各研為細末和勻用甘草熬膏為丸如芡實大每服三丸不拘時姜鹽湯嚼下婦人產後血氣刺痛極效若加當歸琥珀各壹兩乳香五錢名神仙聚寶丹治心腹痛及婦人血氣腹痛其效尤速永不再發

青娥丸 治腎虛腰膝足痛滋腎益陰壯陽久服奇效

破故紙 川者佳洗淨酒浸少時隔紙炒四兩 杜仲 四兩去粗皮姜汁炒去絲 川草薺 真者

四兩壹兩鹽水壹兩米泔水壹兩 童便壹兩無灰酒各浸一宿曬乾 胡桃肉 湯泡去皮八兩 黃栢

蜜炒 知母 蜜炒 壯牛膝 去蘆酒洗各四兩 右為末春夏用糯米糊秋

冬煉蜜將胡桃肉搗爛為膏和勻搗千餘下丸如桐子大每服八十九空心鹽酒或鹽湯下以乾物壓之

當歸活血湯 治寒濕氣血凝滯腰痛

當歸 酒浸 杜仲 姜汁炒去絲各五錢 赤芍藥 白芷 威靈仙 各壹錢

肉桂 壹錢 右用水酒各一鍾煎至一鍾空心服加羌活二

錢防風一錢亦好

頭痛屬痰者多有熱有風有血虛此方為主加對症藥

片黃芩 酒浸炒壹錢半 蒼朮 防風 白芷 羌活 各壹錢 細辛

六分 姜三片水煎食略遠服○左痛屬風與血虛加川芎

當歸 各壹錢半 荆芥薄荷 各八分 右痛屬痰加半夏茯苓陳皮

各壹錢 甘草 貳分 瘦人兼熱倍用酒芩少佐石膏肥人多濕

痰加川芎南星半夏 各壹錢半 倍蒼朮痰厥頭痛非半夏不

能除頭旋眼黑風虛非天麻不能除並宜倍用之。

治脚氣方 累試神効絕勝諸方

麻黃

參兩去根留節炒黃

疆蚕

參兩炒為末

沒藥

乳香

另研各五錢

丁香

壹 右各另研為末和勻每服一兩好酒調下取醉汗出

至脚為度蓋俟汗乾即愈後用五枝湯洗用桃柳梅槐桑採嫩枝煎湯先飲好酒三盃再洗脚住痛為妙

治諸疝海上方 用黑雄猪腰子一對不見水去膜并內

血切片用大小茴香各二兩俱炒為粗末同腰子拌勻

再以前猪尿胞一箇入腰子茴香末於內札住用生白

酒三碗入砂鍋懸煮乾至半碗取胞切碎連藥焙乾為

末將前煮藥剩酒打麩糊為丸如梧桐子大每服七十

九空心好酒下立効除根永不再發

治小腸氣痛方 用木饅頭

貳兩

台烏藥

參兩

大茴香

五錢

右三

味炒紅研碎後用羌活陳皮防風枳殼各壹兩五錢連前和勻為粗末每服一兩水一鍾酒一鍾煎八分空心

服三服即消神効

治腸風臟毒痔漏秘方

用大雄雞一隻罩地板上不與食伺其饑甚別移於淨地上用猪胰四兩切碎漸喂雞待其放屎漸收下如此二三日候雞屎積至四兩晒乾加入後藥

透明礬

兩四

千葉雌黃雄黃

各六錢

膽礬

貳錢

朴硝

兩貳

右各另

研為粗末用砂鍋須要寬高貯藥之餘上有半節空者先以雞糞一兩在鍋底次以明礬一兩次以膽礬次以雌黃次以朴硝次以雄黃後盡以明礬在內次加雞糞在上然後以新碗蓋鍋頂簇炭火煨青煙盡為度候冷取出入石碾研為極細麵再加乳香沒藥各五錢各研極細和勻以小口磁罐收貯用時唾津調勻於手心以新筆蘸點患處日三五次夜二次先以羊毛筆蘸溫湯洗淨軟絹拭乾然後點上庶得藥力透肉點後黃水瀝出最妙雖多不妨三日後其痔自乾枯剝落倘硬煎湯

頻洗自脫腸自紅軟收上忌毒物酒色一月除根內服後方

加味臙連丸

治飲酒食炙熱毒下墜為腸風臙毒痔漏

下血用雄猪大臙一副去兩頭各七寸用黃連去毛淨末一斤槐花淨末四兩裝入臙內令滿用繩扎兩頭口上用小麥數十粒放甑上蒸三時以臙黑取看小麥極爛為度入石臼搗如泥丸如菉豆大每服百丸空心薄酒下按此藥價廉而功極大膏梁酒色人尤妙

膽槐丹

十月上巳日取槐角子揀肥嫩結實者用新黃瓦盆二箇如法固濟埋於背陰墻下約二三尺預尋黑

牛膽六枚臘月八日取出裝在膽內高懸陰乾至次年清明取出新磁罐收貯空心滾湯下一日一粒二日二粒漸加至十五日服十五粒止以後一日減一粒至三十日復減至一粒止周而復始治一切痔漏如神
 真人活命飲 一切癰疽腫毒只是熱勝血陰陽相滯而成此方極効嘗服于未潰之先已潰不可服

川山甲 三大片以蛤粉炒去粉淨用 天花粉 壹錢 白芷 壹錢 甘草節 壹錢 貝母 壹錢 乳香 壹錢另研 防風 去蘆七分 沒藥 五分另研 皂角 去心 刺 五分 當歸 酒洗壹錢半 金銀花 叁錢 陳皮 壹錢五分 在背俞皂角刺為君在腹白芷為君在胸加瓜蒌仁 貳錢 在四肢金銀

花為君疔瘡加紫河車 叁錢即金線重 右用金華好酒

二鍾煎一鍾溫服煎法須用大瓦瓶以紙封固勿令泄氣服時須辨其癰上下上則飽服下則饑服能飲酒者再飲數杯此藥不動臟腑不傷血氣忌酸物鐵器服後即睡覺痛定即回生矣神功浩大不可盡述

二黃散 一名陰陽黃 治發背癰疽疔瘡惡節一切無名腫

毒惡瘡異症 焮熱疼痛初起未潰者服之妙
 綿紋川大黃 貳兩壹半炭火煨熟 大甘草節 貳兩 右為細末每服一匙空心溫酒調下一二服以利為度立効如無甘草節効終不速

神仙蠟礬丸

消癰疽腸癰托裏消毒固臟腑護膜止痛

黃蠟

真者
貳兩

明淨晉礬

叁兩

先將黃蠟溶開離火候少溫入

白礬和勻衆手急丸如梧桐子大每服五十九食前酒

下每日二服○陶節菴曰此方不惟定痛生肌而已護

膜止瀉消毒化膿及癰疽內生化毒排膿托裏之功甚

大或金石丹藥發疽非此莫能治更用白礬壹兩每服

一錢溫酒調下尤効有遍身生瘡狀如蛇頭名曰蛇頭

瘡尤宜服之每日百丸方有功效若蛇蝎并一切毒蟲

所傷以礬溶化熱塗患處內更服之其毒即解誠外科

之要藥服至四兩之上愈見其功大宜於癰疽潰後服

之甚穩腸癰尤妙真良方也

神仙太乙膏

治癰疽及一切瘡毒不論年月深淺已成

膿未成膿並宜用之如發背先以溫水洗淨軟帛拭乾

用緋絹攤貼更用冷水送下其膏可收十餘年不壞愈

久愈烈又治療癰瘡並用鹽湯洗貼仍用酒下百丸婦

人經候不通作丸甘草湯下一切疥瘡用麻油煎滾取

少許和膏塗之虎犬蛇蝎湯火刀斧傷者皆內服外貼

楊梅瘡潰爛者尤効此經屢試者

玄參

白芷

赤芍藥

當歸

生地

肉桂

大黃

各壹

兩右切片用麻油貳斤入銅鍋煎至黑濾去渣入黃

丹十貳兩再煎滴水捻軟硬得中卽成膏○製丹法用黃丹先炒紫色傾入缸內用滾水一桶泡之再汲涼水滿缸用棒常攪浸一宿去水再炒如前二次研用

彭幸菴都憲治發背方 凡人中熱毒眼花頭暈口乾舌苦心驚背熱四肢麻木覺有紅暈在背後卽取槐子一大抄揀淨鐵杓內炒褐色用好酒一碗煎滾去渣熱服酒盡大汗卽愈如未退再依前煎服縱成膿者亦無不愈此三十年屢用屢驗之奇方也

忍冬花酒

卽金銀花也

治一切癰疽發背疔瘡乳癰便毒喉閉乳蛾等症不問已潰未潰用金銀花連莖葉搗爛取汁

半鍾和熱酒半鍾熱服甚者不過三五服卽愈如無鮮者用乾的一二兩水一鍾煎半鍾沖上熱酒半鍾和服此方藥易得而功甚大屢試屢驗

治癰疽發背灸法 凡人患癰疽發背已結未結赤熱腫痛先以濕紙覆其上其紙先乾處卽是疽頭結處取大瓣蒜切如三錢厚安在頭上用大壯艾灸之三壯換一蒜痛者灸至不痛不痛者灸至痛方住最要早覺早灸爲上纔發一二日十灸十愈三四日十灸七愈五六日二四愈過七日則不宜灸若有十數頭作一處生者用蒜研成膏作餅納瘡頭上聚艾灸之亦能安也若背上

初起未腫內有一粒黃如粟米卽用獨蒜切片如前法
灸之次日去痂膿自潰矣累用累効

夏枯草湯 治瘰癧馬刀已潰未潰或日久成漏者用夏

枯草六兩水二鍾煎至七分去渣食遠服此生血清熱

治癰之聖藥也虛甚宜煎濃膏兼十全大補湯加遠志

貝母香附和服并以膏塗患處尤佳

三奇湯 治楊梅瘡疔瘡便毒四服其毒卽化爲膿從大

便瀉出極妙故名三奇也并治諸腫毒初起亦効

金銀花貳錢赤芍藥貳錢甘草節貳錢川山甲蛤粉炒白蒺藜

去刺白殭蚕炒連翹壹錢當歸尾各壹錢蜈蚣壹條去頭足尾大黃

虛人參錢 皂角刺壹錢右用水酒各一鍾煎一鍾病在上

食後服病在下食前服

楊梅瘡神秘二方先服四帖後服三帖七日全好經驗過

防風 皂角刺 天門冬 黃芩 瓜蒌仁 金銀花

各五錢當歸 熟地黄 木瓜 薏苡仁 紫花蒂丁

白鮮皮 木通各壹錢甘草叁分土茯苓四兩右用水三鍾煎

二鍾作二次服渣再煎此方先服

又方後服 前方去木瓜木通紫花蒂丁白鮮皮四味加

桔梗七分減土茯苓貳兩照前煎服忌椒酒煎炙牛肉茶房

室按此二方先服速効毒卽出而易好後服平和而瘡

自內消

治疔瘡搽方 見効極速用多年土墻上白螺螄殼不拘多少洗去土淨火煨研爲極細麵用六分上好眼藥杯四分冰片五厘另研和勻米泔水洗淨瘡拭乾將藥搽上就結廬勿爬破任其自落驗過

又方 紅毳燒灰存性五錢 乾桃樹上乾者燒灰存性五錢 爐甘石火煨黃色重便滓七

次貳錢半 右爲細末臨搽入片腦少許其瘡先用椒葱湯洗淨後以藥搽上三次卽愈驗過

五虎湯 治魚口瘡俗名便毒已成者卽潰未成者卽散

五靈脂 木鱉子去殼 川山甲蛤粉炒 白芷各貳錢五分 大黃實

壹兩虛人五錢 作一服水二大鍾煎一鍾空心服利五七行

卽好一方加全蝎五分殭蚕二錢尤妙

治癬妙方

川槿皮 滑石 白薇各叁錢 鷹糞七分 班貓去翅頭足十箇 蚯蚓

泥乾壹錢七分 青娘子 紅娘子各四箇 右爲末井花水調厚

敷患處多年者五次新近者三次除根

治風癬膿瘰疥瘡煎方一應諸瘡毒皆無不効者

當歸身尾壹錢半 赤芍藥 黃芩 黃連 黃栢各壹錢 大

黃叁錢七分 防風八分 木鱉子壹箇 金銀花 苦參各壹錢 用

水一鍾酒一鍾煎至一鍾後下大黃煎三四沸取起露

一宿五更服，若陽風臟毒下血，去木鱉子加槐花壹錢

大楓膏 膿瘰疥瘡先服前煎藥二服，再搽三五日全愈

大楓子去殼四杏不去皮尖川椒 枯礬 輕粉水銀代亦

可蛇床子另研樟腦各叁錢蜂窩燒灰存性蛇蛻燒灰存性柜

油燭叁兩將諸藥研細以柜油燭化開和勻調塗神效

治濕瘡并臙瘡膏

黃蠟壹兩頭髮大香油壹兩輕粉貳錢猪膽貳箇先將香油

熬四五沸，次下黃蠟，又熬四五沸，再後下頭髮，文火熬

用槐柳條不住手攪，候髮消化濾淨，後下輕粉略熬一

時，取起放磁碗內冷水浸少頃，即成膏，一切濕瘡臙瘡

貼半日黃水流出，拭乾加藥再貼，一七全愈

又臙瘡方 黃丹 官粉各等分 用油紙將黃蠟溶化塗

紙上，將藥摻貼瘡上，立效

治臙瘡海上方 賽隔紙膏一七全愈

嫩槐條四寸嫩柳條四寸頭髮壹尺長四十九根上川

椒四粒輕粉真者黃蠟壹兩香油壹盞將香油黃蠟熬熟放

冷，却下輕粉，次下三味灰末攪勻，用厚綿紙如瘡大十

二片，將藥塗盡其瘡，先用黃栢荆芥湯洗淨，將十二片

紙重重貼上，以繩縛定，其痒不可當，次日除去貼肉一

層，又以前湯洗淨，再貼六日，除去六層，此絕妙法也

治脚指縫爛瘡

鮮鵝掌黃皮陰乾燒灰存性爲末乾摻

治手足凍瘡

用冬瓜皮乾茄根煎湯熱洗三次即効

治熱瘡遍身發出膿血赤爛如火丹或如火燒者

黃連

各參兩

赤小豆

各壹兩

寒水石

紫

草

漏蘆

各七錢

爲末用香油調搽一日三次即愈

治湯泡火燒方先以臘酒冷洗以拔其毒再用雞蛋十餘

箇煮熟去白以黃炒焦黑取油約一盞用大黃研末貳

兩調勻敷上三日全好無瘡痕

治四塊鵝掌風用千里光草

即金釵草

一大握蒼耳草一中握

朝東墻頭草一小握共入瓶內水煎百沸以手少擦麝

香以瓶薰之仍用絹帛繫臂上勿令走氣薰三次即愈

治脚墊毒人脚走長路緊被石塊脚底墊腫不能行步痛

不可忍急用舊草鞋浸於尿桶內一宿或半日外用新

磚燒紅將浸草鞋放在磚上以腫脚踏在上火逼尿氣

入裏即消此症諸方不載如不早治爛入脚甚至殺人

治身上虛痒用四物湯加黃芩煎調紫背浮萍末壹錢或

菱霄花末壹錢尤妙

醫便卷三

終

養老

張刻在于慈幼門後

却病延壽丹 老人但覺小水短少。即是病進。宜服此方。

人參 壹錢 白朮 壹錢 牛膝 壹錢 白芍藥 壹錢 白茯苓 壹錢 陳皮 壹錢 山

查肉 去核貳錢 當歸 五分 小甘草 五分 右用姜三片水煎空心服

春加川芎 七分 夏秋加黃芩麥門冬 各壹錢 冬加乾姜 五分 倍

當歸服至小水長止。為人子者不可不知。或用糊丸如

桐子大。每服八十九。空心食遠清米湯下。亦可。

三子養親湯 老人形衰苦於痰喘。欬嗽氣急。中滿艱食。

不可妄投蕩滌滌峻利之藥。反耗真氣。三子和平芬暢。善

佐飲食。善養脾胃。故隨試而隨効也。

紫蘇子

主氣喘欬嗽用紫色真正年久者佳

蘿蔔子

去痞悶兼理氣用白種者

白芥子

消痰下氣寬中白者佳紫色不用

各洗去砂土晒乾紙上微炒研細看

何經病多以所主為君餘次之每劑不過三錢用細布

小袋盛之煮湯隨甘旨飲啜亦不拘時勿煎太過令味

苦辣口若大便素實入熟蜜一匙冬寒加姜一片尤妙

加味地黄丸

治老人陰虛筋骨痿弱無力面無光澤或

食少痰多或嗽或喘或便溺數澁陽痿足膝無力形體

瘦弱多因腎氣久虛憔悴寢汗發熱作渴

懷熟地黄

酒蒸四兩

山茱萸

去核淨貳兩

山藥

姜汁炒貳兩

牡丹皮

去木

壹兩

益智仁

去殼鹽水炒古方澤瀉

五味子

去梗壹兩

麥門冬

去心右壹兩

為末煉蜜丸如桐子大每服七八十九丸空心鹽湯下夏

月不用鹽○腰痛加鹿茸當歸木瓜續斷各壹兩消渴去

疾神倍用麥門冬五味子下元冷胞轉不得小便膨急

切痛困篤垂死者用澤瀉貳兩去益智仁諸淋數起不

通倍用茯苓澤瀉益智減半脚氣痛連腰膝加牛膝木

瓜各壹兩

夜多小便依本方茯苓減半牙齒疼痛浮而不

能嚼物并耳鳴並去麥門冬加附子

炮

桂心

各壹兩

加味搜風順氣丸 老人常服潤利臟腑永無癱瘓痰火

之病極効

方見冬類

固本酒 老人常服補脾清肺養心益腎大補陰血

人參壹兩 甘枸杞壹兩 天門冬去心壹兩 麥門冬去心壹兩 懷生地黃

壹兩 懷熟地黃壹兩 好燒酒十二斤浸春秋半月夏七冬二

十一日密封固瓶口待浸日完取出絞去渣空心食遠

各飲二盞其渣再用白酒十斤煮熟去渣隨意用之

苜蓿酒 通血脉調榮衛聰耳明目久服氣力倍常行及

奔馬髮白返黑齒落更生延年益壽

用五月五日六月六日七月七日取苜蓿不拘多少搗

爛絞取清汁五斗糯米五斗蒸熟入細酒麴五斤南方只用

三斤搗碎拌勻如造酒法下缸密蓋三七日榨起新罈盛

泥封固每次溫服二三盃極妙

菊花酒 清心明目養血疎風

家菊花五斤 生地黃懷慶者五斤 地骨皮去土并木淨五斤 右三味搗

碎一處用水一石煮取淨汁五斗次用糯米五斗炊飯

細麵麴五斤拌令勻入瓮內密封三七日候熟澄清去

渣另用小瓶盛貯每服二三盃不拘時候

冬青子酒 用冬至日採冬青子一斗五升糯米三斗拌

勻蒸熟以酒麴造成酒去渣煮熟隨意飲五七盃不拘

時能清心明目烏鬚黑髮却病消痰

紫蘇子酒 調中益五臟下氣補虛潤心肺消痰順氣

用紫蘇子三升炒香研細清酒三斗罈貯將蘇子納入

酒中密封浸一七、濾去渣、每日隨飲三五盃。

猪腰子粥 治老人腎臟氣憊耳聾

猪腰子 貳對約八兩 葱白 四莖去土切碎 人參 五分 防風 五分 粳米 八合 薤

白 少許 右五味和米煮粥入鹽空心食之

羊肉粥 治老人虛損羸瘦助陽壯筋骨

羊肉 貳斤去骨 人參 壹兩去蘆 黃芪 壹兩生用 白茯苓 去皮壹兩 大棗 去核五枚

糯米 合參 先將羊肉去脂皮取精肉四兩細切豆大餘并

藥四味用水五大碗煎取汁三碗絞去渣入米煮粥再

下前切細精羊肉同煮熟入五味調和空心食之

羊脊髓粥 治老人脾胃氣弱勞損不下食常用極補益

用大羊脊髓一條透肥者搗碎用青梁米四合淘淨以

水五升煮取汁二升下米煮作粥入五味和勻空心食

雞頭實粥 常用益精強腎聰耳明目用雞頭實不拘多

少去殼淨粉三合粳米三合照常煮粥空心食

薏苡仁粥 治老人脾胃虛弱常用踈風濕壯筋骨用薏

苡仁四兩粳米三合照常煮粥不拘時食

蓮肉粥 老人常用補脾胃養心腎用蓮肉參兩 去皮淨糯

米二合晚米三合和勻作二次煮粥空心食之

法製猪肚方 補老人脾胃不足虛羸乏力

積猪肚 一具洗淨 人參 五錢 乾姜 壹錢 葱白 五莖去鬚葉 川椒 壹錢炒出

汗去目糯米合五右藥研爲末以米合和相得入豬肚內
縫合勿令泄氣以水五升砂鍋慢火煮令極爛空心服
之飲酒三五盃

牛髓膏 用熟牛胛骨內髓四兩核桃仁去皮和搗成膏空

心食入少鹽大能補腎消痰極効

開胃炒麵方 白鹽貳兩薑四兩炒麵五斤茴香貳兩杏仁半斤和

甘草壹兩蜜壹兩枸杞子八兩胡桃八兩芝蔴八兩右各研末和勻

不拘時白滾湯點服

又方 治老人脾虛或大病後胃口虛弱怯食

用糯米五升浸一晝夜淋乾入鍋內慢火炒令香燥不

可焦外用花椒炒出汗去目及閉口者淨二兩薏苡仁
一斤蓮肉一斤去皮心各炒黃熟共和爲末再用白糖
二斤和勻磁罐密貯清晨用沸湯一盞調服補胃進食

卷四卷

濟陰類

凡婦人小兒老人諸症除婦人胎產經候小兒驚疳變蒸痘疹老人血氣衰憊水火升降失度與大人治法不同故另立方法其餘症同者悉照前四時方法用

四物湯治婦人之總藥隨症加減妙用無窮方見滋補類今開加減于後經水過期不行血寒血少也本方五

錢加香附莪朮各壹錢蘇子八分桃仁叁粒紅花官桂木通

各七分甘草叁分空心服經水先期而來血熱也加黃柏知

母條芩黃連各七分甘草叁分人參阿膠艾葉各五分香附

荊芥穗各壹錢空心服血枯經閉本方一半加桃仁紅花

共五錢空心服色淡者痰多也本方去地黄加二陳湯

等分和服紫黑者血熱也本方五錢加黃芩黃連荆芥

穗各壹錢臨行腰腹疼痛乃鬱滯有瘀血加桃仁紅花莪

朮各壹錢木香五分另磨入潮熱發熱本方五錢

加地骨皮薄荷各壹錢五分柴胡防風各五分甘草參分烏梅壹箇

食遠服虛寒者用熟地黄加乾姜官桂吳茱萸各壹錢甚

者再加熟附子壹錢虛極者本方與四君子等分加黃芪

壹錢半熟附子七分經行不止者本方加真阿膠艾葉地榆

荆芥穗各壹錢妊娠胎動加香附砂仁紫蘇各七分白朮條

芩各壹錢阿膠炒八分蘄艾五分去生地黄用熟地胎前產後

血痢加黃連地榆阿膠艾葉各八分厚朴五分五心煩熱加

柴胡黃芩地骨皮各壹錢甘草參分麥門冬八分有死胎加交

桂麝香白芷赤白帶下加藁本牡丹皮川續斷各八分產

後惡露作痛加香附壹錢乾姜炒黑七分生蒲黃陳皮各八分產

後發熱加白朮茯苓陳皮黑乾姜各八分久無子息加附

子肉從蓉各壹錢熟地鹿角膠各壹錢半

濟陰返魂丹 胎前產後總藥一名益母丸用益母草一

味其草即充蔚子葉類火麻對節而生方梗凹面五六

月間節節開紫花白花者不是南北隨處有之端午小

暑或六月六日花正開時連根收採透風處陰乾不犯

銅鐵器石臼木杵搗羅爲末煉蜜丸如彈大每服一丸各照後開引下或量加當歸赤芍藥木香尤妙其藥不限丸數以愈爲止日服三五丸或丸如桐子大每服七八十九空心食遠照後引下或熬膏調引用尤妙

熬膏法 益母草不拘多少連根莖葉洗淨石臼內搗爛以布濾取濃汁砂鍋內文武火熬如黑砂糖色爲度以磁瓶收貯每用一茶匙照後開引調用極効○胎前臍腹刺痛胎動不安下血不止煎秦艽當歸糯米湯下胎前產後臍腹作痛作聲或寒熱往來如瘧狀者並用米湯下臨產并產後各用一丸童便酒化下安魂定魄調

血順氣諸病不生又能破血止痛養脉息調經絡其功甚大產後胎衣不下落在胞中及產前一切難產并橫生逆產胎死經日不下腹中脹滿心下悶痛炒鹽湯下產後中風牙關緊急半身不遂失音不語童便酒各半下產後氣喘欬嗽胸膈不利吐酸水面目浮腫手足疼痛舉動失力温酒下產後兩太陽穴痛呵欠怔忡氣短肢體羸瘦不思飲食血風身熱手足頑麻百節骨痛米湯下產後眼前黑暗血暈血熱口渴煩悶如見鬼神狂言不省人事薄荷自然汁下如無濃煎薄荷湯或童便酒各半下產後面垢頰赤五心煩熱或結成血塊臍腹

奔痛時發寒熱有冷汗者童便酒各半下薄荷湯亦可
產後瘀血不盡結滯臍腹刺痛惡物上冲心胸滿悶童
便酒下產後未經滿月氣血不通欬嗽四肢無力臨睡
自汗不止月經不調久而不治則為骨蒸瘵疾童便酒
各半下產後鼻衄口乾舌黑童便下產後大小便不通
煩燥口苦者薄荷自然汁下如無生的乾的濃煎湯亦
可產後赤白痢疾米湯下產後瀉血水濃煎棗湯下產
後赤白帶下阿膠艾葉湯下血崩漏下糯米湯下久無
子息温酒下一日一九至三五丸効勒奶痛或成癰
為末水塗乳上一宿自瘥或生搗敷上亦可

蒸臍法 月經不通或癥瘕血塊臍腹作痛此方神効

乳香 沒藥 血結 沉香 丁香 各參錢 壹錢上 麝香 六味各

另研 青鹽 食鹽 五靈脂 兩頭尖 各六錢四 各末和

勻外用麝香少許入臍內次將麵作條方圓一寸遶臍
圍住安藥末於內令滿以槐樹皮方圓一寸蓋上皮上
鑽三孔用大艾炷灸之月經即通血塊即消累用神効
紅花當歸丸 治婦人血臍虛竭經候不調或斷續不來
或積瘀成塊腰腹刺痛肢體瘦弱

馬鞭草 半斤 劉寄奴 半斤 當歸 參兩 赤芍藥 牛

膝 去蘆 川芎 香附 醋炒 牡丹皮 去木 甘草 各壹兩半 紅花 白

芷各七錢半 官桂六錢 紫葳 蘇木各參兩 枳殼炒壹兩 右為末以

前益母膏入少糯米粉打糊為丸如梧桐子大每服七

八十九空心濃煎紅花酒送下

濟陰百補丸 治女人勞傷氣血不足陰陽不和作寒作

熱心腹疼痛胎前產後諸虛百損並宜用之

香附子壹斤分四製醋酒童便鹽水各浸三日炒乾 當歸酒洗晒乾六兩 益母草五

五日採者佳忌 熟地黄酒洗 白芍藥炒 川芎 甘草炙各壹兩

白茯苓去皮參兩 玄胡索炒貳兩 人參去蘆貳兩 木香不見火 白朮炒

各四兩 為細末煉蜜丸桐子大每服六七十丸漸加至九

十九空心米湯酒任下調脾胃補虛損極效

治赤白帶神方

樗根白皮 香椿根白皮 苦參 香附醋炒 梔子仁炒

山茱萸去核 黃栢鹽酒炒 龜板去弦酥炙各貳兩 乾姜炒五錢 貝母去心

白芍藥炒各壹兩 白朮炒 當歸酒洗各壹兩五錢 為末酒糊丸如桐

子每服八十九空心清米湯下若孕婦赤白帶加蒼朮

條芩川連白芷各壹錢 去乾姜樗皮貝母苦參龜板梔子

固真湯 治赤白帶下行時臍下甚痛此方二服即效

人參五分 黃芩 黃栢 白葵花各壹錢 郁李仁八分 柴胡七分

陳皮去白八分 甘草炙 乾姜炒各參分 右用水一鍾半煎七分空

心服葵花白者治白帶赤者治赤帶赤白混下二花並

用此方治氣血滯陰陽不清極效

涼血地黄湯 血崩如湧明是血熱妄行豈可作寒論治

宜清補兼升提不可驟止徐徐調理血清自歸源矣

黃芩 甘草 生 荆芥穗 蔓荊子 各七 黃栢 知母

藁本 川芎 細辛 各六 黃連 羌活 柴胡 升麻

防風 各五 生地 當歸 各壹 紅花 少 水煎空心稍熱服

六合散 血崩不止諸藥不效此方立止急則治其標也

杏仁皮 燒存 香附 童便浸三日炒黑 舊紅墁子 燒存 地膚子 炒

舊棕薦 燒存 壯血餘 燒存 蠟殼 燒存 陳蓮蓬 燒存 爲末

每服三錢用酸漿草汁一鍾冲上熱酒一鍾空心熱服

此方初服反覺多以漸而少由紫色而紅以至於無卽止既止後用十全大補湯二十貼調補方杜根

併胎丸 累經墮胎久不育者宜服過七月不必服

白朮 四兩 條芩 當歸 酒洗 人參 杜仲 炒去絲 川續斷 酒浸

壹兩 陳皮 壹兩 熟地 懷慶者酒浸壹兩童便浸炒 香附 壹兩童便浸炒 右爲細末

糯米糊丸如菉豆大每服七十九空心白湯下

安胎飲 治胎動胎漏不安一服立効

白朮 白芍藥 酒炒各壹錢貳分 條芩 壹錢 陳皮 去白八分 真阿膠 炒

壹錢 桑寄生 真者壹錢 甘草 四分 蘄艾 五分 當歸頭 六分 枳殼 五分 砂仁

炒六分 川獨活 五分 姜一片棗一枚糯米百粒水煎空心服

加味六君子湯 妊娠二三月時作嘔吐名曰惡阻惡阻者惡心而阻隔飲食也此方主之

半夏 湯泡七次曬乾切片再以生姜自然汁拌 白茯苓 去皮各壹錢五分 陳皮 壹錢

參 八分 白朮 炒 砂仁 炒各六分 甘草 貳分 加姜三片食遠温服

治妊娠傷寒頭疼身痛發熱胸膈煩悶兀兀欲吐法禁汗吐下止宜用芎蘇散和解之 方見春類

妊娠傷寒熱病護胎法

用伏龍肝 即灶心土 井水調塗臍下乾又塗之就以井花水調服一錢產難細研一錢酒調亦妙

十聖散 小產多因氣血不足胎無所養猶樹枝枯而果

落也其間過傷饑飽勞佚動胎惱怒憂思內外寒冷傷

於子臟又須量輕重而加減治之此藥平和滋血養氣

須月服四五貼方好或素有墮胎之患者亦宜按法用

之仍忌房事惱怒生冷酒醋熱物

人參 去蘆 黃芪 各八分 白朮 炒壹錢 砂仁 炒五分 甘草 叁分 熟地黃

洗白芍藥 酒炒 當歸身 酒洗各壹錢 川芎 川續斷 七分 右用姜

一片棗一枚水一鍾半煎八分食遠服

二合濟生湯 治臨產艱難雖一日不下服此自然下生

枳殼 貳錢 香附 炒壹錢半 甘草 七分 川芎 貳錢 當歸 叁錢 蘇葉 八分

腹皮 姜汁洗壹錢半 右用水二鍾煎至一鍾待腰腹痛甚時通

口服之即產九月尾十月頭先服一二服尤妙

催生不傳過仙丹 治難產累用見効神速

草蘇子

去殼十四粒

硃砂

另研

雄黃

另研各貳錢半

蛇蛻

壹條全

右為細

末粥糊為丸如彈子大每服一九臨產時先以川椒湯

淋洗臍下納藥一九以黃紙數重覆藥上軟帛拴繫產

則急取去之否則連生腸俱下一丸可用三次若誤致

生腸下即以本藥放頂門上即收神効

胎衣不下方 產後胎衣不下惡血湊心迷悶須臾不救

產母即危此方可預合以備用真濟世之神方也

乾漆

貳錢為木

大附子

壹枚泡去皮臍為末

二味和勻外用大黃五錢

為末酒醋熬成膏子和前末為丸如梧桐子大每服三

十九淡醋湯下一時連進三服胎衣即下神効

治胎衣不下一時無藥者 用皮硝叁錢為末童便調熱

服即下亦治橫生逆產仍將本婦手足爪甲炒黃為末

酒下一七更令有力穩婆將產婦抱起將竹筒從心上

趕下如此數次即下

治橫生逆產方 其症孕婦欲產時遇腹痛不肯舒伸行

走多曲腰眠臥忍痛其兒在腹中不復轉動若手先出

為橫生足先出為逆產須臾不救子母俱亡此方立効

烏蛇退

一條

蟬退

十四箇去土柳樹上者佳

壯血餘

壹球胎髮更好 各燒灰存

性為末每服二錢酒調下連進二服仰臥片時即順下
又法用小針於兒脚心刺三五針急以燒鹽少許塗刺處
即時順下子母俱活

治血暈昏迷欲死者急取韭菜根一大握切細放在小口
瓶內用滾熱酸醋泡在瓶中將瓶口冲在病人鼻口內
使韭氣直冲透經絡血行即活再用後方輕則燒舊漆
器薰鼻亦好

清魂散治產後眩暈血暈二症又能清血行經逐舊養新
澤蘭葉 荆芥穗 各貳兩 川芎 壹兩 人參 五錢 甘草 四錢 右為細
末每服二錢煎葱湯或酒送下煎服亦可

產後調補氣血方

人參 各壹錢 白朮 各壹錢 甘草 各七錢 當歸 八錢 黃芩 陳

皮 各五分 熟地黄 壹錢 酒洗 用姜棗煎食遠服如發熱輕則加

茯苓一錢淡滲其熱重則加乾姜炒黑一錢以散其熱

或曰大熱何以用乾姜曰此非有餘之熱乃陰虛生內

熱耳乾姜能於肺分利肺氣入肝分引血藥生血然必

與補陰藥同用乃効此造化自然之妙未易知也

治產後敗血不止小腹遶臍作痛俗名兒枕痛一服即愈

生蒲黃 川芎 白朮 神麩 陳皮 桃仁 各七分 香

附 童便炒壹錢五分 甘草 四分 當歸尾 淨壹錢半 水煎不拘時熱服

烏金散 治產後一十八症第一胎死不下二難產三胎
 衣不下四產後眼花五產後口乾心悶六寒熱似瘧七
 敗血流入四肢浮腫寒熱不定八血邪顛狂語言無度
 九失音不語十心腹疼痛十一百節骨酸疼十二敗血
 似雞肝十三欬嗽寒熱不定十四胸脇氣滿嘔逆十五
 小便澁十六舌乾鼻中血出連項生瘡十七腰疼如角
 弓十八喉中如蟬聲以上症候並宜服之

烏金子

即大烏豆

肉桂

去粗皮

當歸

去蘆酒洗烘乾

真蒲黃

木香

青皮

去白壯血餘

赤芍藥

燒存性

皂莢

炒

皂莢

不蛀者燒存性

紫葳

即菱霄花

生薑

小薊根

蚕退紙

新綿亦好

棕毛

燒存性

紫葳

即菱霄花

紫葳

即菱霄花

紅花

乾者壹兩

川烏

壹箇生用

硃砂

少許另研

血結

少許另研

右十八味除

灰藥另研外共為細末同另研藥和勻每服壹錢生姜

湯或芍藥當歸湯或菱霄花煎酒調下甚者一夜三四

服忌魚鵝猪羊及生冷油炙等物取効甚速

大黃膏治症照後調下隨症消息加減妙不可言

用綿文川黃不拘多少米泔水浸經宿去粗皮晒乾為

細末聽用外用陳米醋酌量多少熬待稠粘漸入大黃

末不住手攪令極勻以磁器貯之紙糊封口毋致蒸發

臨時量病虛實輕重入在烏金散內服之人壯病實者

半彈丸以下漸少或以膏子丸如龍眼大一樣芡實大

一樣皂子大一樣陰乾磁器密收看病大小用一丸與病人嚼破以烏金散送下○產後內熱惡露作痛名兒枕痛及大便不利秘結者並用四物湯浸化一丸服寒熱如瘧或內熱者小柴胡湯浸化一大丸服之未効再服並不惡心口吐酸水面目浮腫兩脇疼痛舉動失力者溫酒下產後兩太陽痛呵欠心忪氣短肢體羸瘦不思飲食血風身熱手足頑麻百節疼痛米湯下產後眼前黑暗血暈血熱口渴煩悶狂言如見鬼神不省人事濃煎薄荷湯下或童便各半下亦可產後面垢頰赤五心煩熱或結成血塊臍腹奔痛時發寒熱有冷汗者童

便酒各半下或薄荷湯亦可產後惡露不盡腹臍刺痛惡物上衝心胸悶滿童便酒各半下產後未經滿月血氣不通欬嗽四肢無力臨睡自汗不止月水不調久而不治則為骨蒸瘵疾童便酒各半下產後鼻衄口乾舌黑童便酒下產後大小便不通煩燥口苦者薄荷自然汁下如無濃煎薄荷湯下產後赤白痢疾陳米湯下產後赤白帶膠艾湯下產後漏血棗湯下勒奶痛或成癰水搗膏敷乳上一宿自瘥

抑肝散

治獨陰婦人惡寒發熱似瘧者久即成瘵疾

柴胡

貳錢半

赤芍藥

牡丹皮

去心各壹錢半

青皮

炒貳錢

當歸

五分

生地黄

五錢

地骨皮

壹錢

香附

童便炒壹錢

川芎

七錢

連翹

五錢

山梔

仁炒壹錢

甘草

叁分

神麴

炒八分

右用水煎空心服渣再煎下

午服夜服交感丹一丸

方見春類

此二方俱驗過

[Faded bleed-through text from the reverse side of the page]

慈幼

孩兒生下不能發聲謂之夢生世俗多不知救深為可憫
今後有此切不可斷臍將胞衣用火炙令煖氣入兒腹
內却取猫一隻用青布袋包裹其頭足使伶俐婦人拏
住猫頭向兒耳邊以口着力咬破猫耳猫必大叫一聲
兒即開口發聲矣○又法兒因難產或逆產下不哭微
有氣者即以本父母真氣度之亦活二法皆驗
小兒急驚屬肝木風痰有餘之症宜平肝鎮心驅風消痰
降火清內熱慢驚屬脾土不足因吐瀉久虛或大病後元
氣不足宜補中兼疎利俗以一藥通治二症妄矣

急驚神方

牛膽南星 四錢 全蝎 錢貳 荆芥穗 防風 去蘆 姜蚕 炒 天竺

黃 各叁錢 辰砂 天葵草伏過壹錢六分另研 琥珀 牛黃 另研 蟬退 木

香 各壹錢五分 右為末山藥打糊為丸如龍眼大硃砂為衣

每服一丸姜湯化下此吉水鄧小兒家傳極効

又方車前子 叁錢 輕粉 壹錢 麝香 貳分 片腦 壹分半 牛黃 壹錢

全蝎 十四筒 天麻 貳錢 牛膽南星 貳錢 白附子 壹錢 硃砂 貳錢 青

黛 壹錢 珍珠 壹錢 男兒乳 壹錢 生人血 貳匙 右為末各研和

勻粟米糊為丸如黄豆大硃砂為衣每服一丸荆芥薄

荷湯磨下先用半丸研細吹入鼻中外用石腦姜蚕去

嘴調塗人中立効

慢驚秘方 急驚日久不止亦可用

人參 白茯神 去皮 琥珀 僵蚕 炒 全蝎 防風 去蘆 牛

膽南星 白附子 生用 蟬退 去土 斬蛇肉 各貳錢 辰砂 壹錢 麝

香 貳分 右為末煉蜜為丸黄豆大硃砂為衣每服一丸菖

蒲湯化下急驚薄荷湯化下二方極効

又方人參 壹兩 僵蚕 炒叁分 全蝎 貳錢 生人血 貳匙 辰砂 貳錢 另右

為末用麻黃壹兩甘草壹兩熬膏為丸如櫻桃大硃砂

為衣每服一丸南棗煎湯化下累用累効

牛黃清心丸 治小兒驚風大人中風中痰中氣諸症

天麻四兩防風去蘆牛膽南星貳兩殭蚕炒金蝎各貳兩白

附子生用乾天羅即絲瓜川烏五錢遠志去心川山甲蛤粉炒

兩蟬退貳兩去土蒿蟲不拘辰砂天葵煮雄黃壹兩犀角二兩

五錢細蜈蚣叁錢蟾酥五分沉香叁錢細辛五錢龍齒五錢琥珀貳錢

另研珍珠叁錢天竺黃叁錢蛤蚧壹對金銀箔各十帖右藥各製

淨為末外用荆芥壹斤麻黃壹斤木通壹斤皂角半斤

甘草四兩蒼耳子四兩六味熬膏入真蘇合油和蜜為

丸芡實大金銀箔為衣蠟封隨症調引用

回生錠治慢驚聖藥一錠即有起死回生之功頃刻見

効故名為回生錠真海上仙方也急驚亦効

人參五錢白朮壹兩真赤石脂煨五錢山藥壹兩甘草壹兩辰

砂各叁錢桔梗壹兩白茯苓去皮滴乳香貳錢麝香壹錢牛

黃壹錢牛膽南星五錢礞石煨金色金箔十片右為末五

月五日午時取粽搗勻印作錠子金箔為衣陰乾每服

大人五分小兒二分薄荷湯下

秘方黑神丸治急驚風垂死者一服即活

膩粉香墨白麵各貳錢蘆薈壹錢牛黃另研青黛飛使

君肉去殼淨辰砂壹錢麝香五分冰片貳分金箔十片

右為末麵糊丸黃豆大金箔為衣每服一丸薄荷湯下

仙傳急驚神方并治大人中風中痰立効累經試驗但

不許受謝并食病家茶酒犯者不効

用生白石膏研末十兩辰砂研末五錢和勻每服大人三錢小兒一歲至三歲一錢四歲至七歲一錢五分八

歲至十二歲二錢十三至十六歲二錢五分生蜜調下

千金肥兒丸 小兒脾家有積脾土虛而肝木乘之積久

不散復傷生冷厚味故作疳症肚大筋青潮熱欬嗽胸

前骨露宜調脾胃養血氣為主其次消積殺蟲散疳熱

白朮半斤真茅山蒼朮半斤陳皮壹斤厚朴壹斤用乾姜

潤透同炒乾壹斤芫花壹斤留一半為衣壹斤賴蛤蜊十隻蒸熟川

黃連壹斤用苦參四兩好燒酒壹斤禹餘糧壹斤如無以蛇含石代

神麩壹斤炒壹斤牡蠣煨七次童便壹斤青蒿壹斤童便壹斤山查去核

斤鰲甲壹斤醋炙壹斤胡黃連半斤蘆薈四兩夜明砂四兩使君子去殼

淨肉四兩鶴虱不拘右藥各製為淨末外用小紅棗五斤去

皮核黃芪叁斤當歸壹斤熬膏入麵一斤打和作糊為

丸如菜豆大以前甘草末半斤雷丸小茴香末各四兩

為衣每服八歲已下五十九九歲以上七十九食前清

米湯送下累効

小兒吐瀉由寒熱不勻內傷脾胃所致泄瀉痢疾亦由濕熱積滯而成治宜消積理脾為要後二方主之

加減錢氏白朮散 治吐瀉極効

人參五分白木八分白茯苓六分甘草貳分陳皮六分半夏七分藿香

砂仁各五分乾葛各五分用水煎入姜汁一匙和勻服

香橘餅 治小兒疳積下痢并久瀉不止或冷熱不調赤

白膿血相雜小腹疼痛或禁口不食裏急後重日夜無

度久不瘥致脾虛脫肛不收並宜服之

陳皮去穢青皮去穢厚朴姜製青木香 山查肉去核神麩

炒麥芽炒白木炒三稜醋炒莪朮醋炒香附炒砂仁

炒甘草炙人參去蘆各木香不見火右為極細末煉蜜

和勻印作錠子每餅濕時重二錢陰乾每服一餅空心

米湯化下立効大人亦可用

白木助胃丸治小兒吐瀉大能和脾胃進飲食化滯磨積

白木壹兩五錢人參六錢白茯苓去皮壹兩甘草炙五錢白豆蔻

大者去殼砂仁大者四錢肉豆蔻中大四箇木香叁錢山藥

姜汁炒為細末煉蜜丸如皂子每服一丸空心米湯下

治小兒食傷宜服此方消導之

白木壹兩陳皮七錢麥芽壹錢厚朴六分甘草四分枳實六分傷乳

及粥飯米麵加神麩真炒香半夏六分更增麥芽五分若傷

魚肉果子等食加山查壹錢砂仁五分黃連叁分草果叁分傷

生冷之物腹痛泄瀉清冷色白加砂仁山查神麩各八分

煨木香四分乾姜炒紫黑叁分傷辛熱飲食或傷食停積日久

食鬱作熱嘔吐酸水或大便積痢不快或黃黑色此有熱也加姜炒黃連七分山查川芎各五分木香參分尋常夢小傷食不必服藥只用麥芽入姜二片煎湯飲之右藥用姜二片水一鍾煎六分食前服○若飲食傷脾胃食積在內作熱見於肌表或潮熱往來只宜理中而表熱自除不可解表宜用前方加山查白芍藥升麻乾葛各八分生甘草貳分炙甘草貳分黃連五分以消食積之熱表熱未除亦宜加以除脾胃之熱熱壯盛脈有力者更加煨石膏壹錢此皆太陰陽明二經藥也

服前消導藥積去後泄瀉不止服此方調補脾胃止瀉

白朮壹錢白茯苓壹錢白芍藥壹錢木香煨甘草炙肉豆

蔻各四分黃連姜炒神麩姜炒陳皮各六分乾姜炒半黑右用姜

二片煎食前溫服○泄瀉止後調理以復脾胃之氣本

方去乾姜神麩肉果加人參六分黃芪參分若過服解表止

瀉痢藥致損脾胃中血氣本方去肉果木香乾姜神麩

黃連加山查參分當歸四分半夏姜製八分麥門冬六分川芎貳分此

皆平和之劑故可常服雖大人亦可用也

磨積錠 治小兒一切積滯

白朮陳土炒陳皮貳兩厚朴姜炒檳榔壹兩枳實麩炒三稜

莪朮醋炒各壹兩半甘草壹兩使君子去核淨壹兩七錢半夏麩炒山查

去核神麩各貳兩阿魏真者壹兩黑牽牛頭末壹兩半生半炒巴豆霜叁錢另研

木香叁錢礪砂壹錢洗去沙土蒼朮麩炒壹兩右為末神麩一半麥芽

麵一半打糊為塊搗干餘下印作錠子每錠濕重二錢

陰乾約一錢每服八歲已上一錠七歲已下半錠空心

滾白湯磨下微利一二次不妨無積不可服

惺惺散 變蒸一症乃小兒蒸皮長骨變幻精神不須服

藥其有兼傷風寒欬嗽痰涎鼻塞聲重發熱宜服此方

人參 白朮 白茯苓 甘草炙 白芍藥炒 桔梗 天

花粉各五錢 細辛 薄荷葉各貳錢半 右為粗末每服三錢水

四盞煎二盞服不拘時

治麻症及斑疹初因外感不解熱蘊於內而成宜用葛根

湯以解散若痘疹見標則不宜用也方見春類

治毒飲 治癍疹熱甚紫黑者或痘未出時亦宜服

牛旁子一名鼠粘子炒研叁錢 荆芥去根壹錢 連翹叁錢 防風去蘆 甘草生

五分犀角貳分另磨入 右作一服水煎熱服

博愛心鑑治痘症立逆順險三法極其詳明而効驗亦神

謹按其法之大槩以所宜用之方隨變症加減詳於三

法之下○順者一二日間初出之象如粟於口鼻腮耳

年壽之間先發二三點淡紅潤色者吉氣得其正血得

其行其毒淺而輕不須服藥七八日內貫漿之時略服

保元湯一二貼以助其氣血可也

保元湯 人參貳錢 黃芪參錢 甘草壹錢 加川芎五分 當歸七分 引助

血分右用姜一片水一鍾煎六分食遠温服

逆者初出於天庭司空太陽印堂結喉心胸方廣之處先發者逆形如蚕種紫黑乾枯氣澁血滯致毒深妄參陽位其勢難當以前保元湯內用人參一錢黃芪甘草各一錢加白芍藥一錢牛蒡子黃芩黃連玄參絲瓜灰當歸川芎連翹各五分 陳皮官桂各三分 防風羌活荆芥前胡各四分 姜三片葱一根煎服一以解毒一以助氣血取汗以泄其毒開其滯澁或幡然如雲霧之散而白日出見

此一救而可得生者十中二三七八日內病勢沉重色

白毒深又用保元湯加大黃芒硝枳實炒 厚朴川芎當

歸水煎服大下之下後而身濕再出紅潤此則十中可

活一二乃起死回生之妙也

險者初出圓暈成形乾紅少潤其一二日間出現者毒尚

淺氣血未離可治以俟其氣血交會也以保元湯加桂

參分兼和血勻氣之劑如毒盛兼解毒之藥

加味保元湯 人參 黃芪 甘草 白芍藥各壹錢 當歸

六分 陳皮六分 白木六分 牛蒡子七分 連翹 玄參各六分

水一鍾煎七分温服入少酒尤驗一云四肢出不快

者加防風五分八九日以此方加減服以助氣血貫漿十

三四日內以保元湯加白朮白茯苓陳皮山查以助結

痲如渴用參苓白朮散方見夏類如毒熱不解用後方

牛蒡子散 牛蒡子壹錢 連翹 黃連 玄參各七分 甘草生

荆芥 防風各五分 紫草五分 犀角剉末參二分入藥 川芎 當歸

赤芍藥 生地黄各六分 右用水一鍾煎七分服以解其

熱毒即安○大法保元湯四物湯四君子湯皆當隨氣

血盛衰參用毒盛則下之毒少則解散之寒則溫之熱

則清之全在活法治之可保無虞古方木香異功等散

多燥熱非真寒症不可輕用慎之慎之

神功消毒保嬰丹 凡小兒未出痘瘡者每遇春分秋分

日服一丸其痘毒即漸消化若只服一二次者只得減

少若服三年六次其毒盡能消化必保無虞此方屢經

試驗務照後開日期潔誠修合服之神効

纏豆藤壹兩五錢其藤八月收取毛豆桔上纏連細紅

黑豆三十粒 赤豆七十粒 山查肉壹兩 新升麻七錢五分 生地黄五錢

荆芥五錢 防風五錢 川獨活 甘草 當歸各五錢 連翹七錢五分

黃連 赤芍藥 桔梗各五錢 牛蒡子壹兩 辰砂另研甘草同煮過去

甘草壹兩五錢 苦絲瓜貳箇各長五寸隔年經霜者妙燒灰存性 各為極細末砂糖

拌勻搗千餘下丸如李核大每服一丸濃煎甘草湯化

下。其前項藥預辦精料。遇春分秋分。或正月十五。或七月十五日。修合。務在虔誠。忌婦人雞狗孝子。須於淨室焚香。向太陽祝藥云。神仙真藥。體合自然。嬰兒吞服。天地齊年。吾奉太上老君。急急如律令。勅。一氣七遍。小兒初生七日內。急患臍風撮口。百無一活。父母坐視其死。而不能救。良可憫哉。凡兒患此者。齒齦之上有小泡。如粟米狀。急以溫水蘸青軟帛。或綿裹手指。輕輕擦破。即開口而安。不須服藥。此法神效。世罕知之。屢試屢效。

治撮口方。小兒斷臍為風濕所乘。或尿在包袱之內。遂成臍風。面赤喘急。啼聲不出。名曰撮口。此方治之。

赤脚金頭蜈蚣一條 蝎稍四尾 殭蚕七枚 瞿麥五分 右為細末。先

將鵝管吹藥一分入鼻內。使嚏啼哭。為可醫。後用薄荷湯調服三五分。立効。

治小兒初生。大小便不通。腹脹欲絕者。急令婦人以熱水漱口。吸啞兒前後心。并臍下兩手足。共七處。每一處凡三五次。漱口吸啞。取紅赤色為度。須臾自通。不爾無生。

天一丸。治小兒百病。隨症調引。

燈心用淨壹斤。以米粉漿水洗晒乾。研末入水。沉之。浮者取用。再晒乾。貳兩。半。沉者不用。 赤白茯

苓去皮。心淨。各貳兩。 澤瀉五兩。去毛。淨。要白者。 滑石牡丹皮。貳兩。同煮。半日。去丹皮。

晒乾淨。猪苓去黑皮。五兩。 右為細末。外用人參六兩。 白朮六兩。 廿

草四兩熬膏為丸如龍眼大硃砂為衣貼金箔每服一九照病調引用大抵治小兒病以水道通利為捷徑也

[Faded bleed-through text from the reverse side of the page]

禁方附

萬靈膏 香油四斤 槐柳桃榴楮杏楮各二枝 兩尖

白芷 赤芍藥 大黃 人參 黃連 白芍藥 草

烏 苦參 川芎 生地黃 川椒 胎髮 川山甲

熟地黃 槐子 杏仁 各壹兩 當歸 貳兩 草蓆 壹百貳十去皮 巴豆

壹百貳十去皮 黃蘗 壹兩 木鱉 五十箇 右兩尖等二十二味俱

咬咀如麻豆大入香油內浸春五夏三秋七冬十日

黃香 十貳兩 黃丹 貳斤水飛澄 阿魏 沉香 丁香 麝

香 血竭 各壹兩 木香 壹兩 乳香 沒藥 各三兩 右阿魏等八

味俱為細末先將香油并藥入銅鍋內熬焦將藥鍋取

下温冷用生絹過淨將藥再熬下黃丹用槐柳等枝不住手攪此時用燒火宜慢常滴藥在水中成珠不散入黃香將鍋取下冷片時滅火性乃下阿魏等八味攪勻用凉水一大桶將藥投下水中一日換水一次浸七日七夜去火力用時以滾水化開量疾大小裁榜綿紙貼効如神無德之人不可妄傳○原本備載各引自癰疽瘡疹以至雜症皆可內服外貼其言太誇不敢盡信止錄原方俟高明者斟酌之人

金不換三七經驗仙方

三七出自粵西惟右江南等州蠻夷地名爲最產于險

峻山谷之間真味似人參莖上七葉下三根故名三七重擬良金又名金不換又名血見愁專治血歸經絡効最莫比今將治法開具于後○金刃箭傷跌蹶傷損血出不止自嚼少許罨患處卽愈○婦人赤白帶下每用一錢研末温酒送下○吐血用一錢白嚼茅花煎湯或米湯送下○男婦傷寒口齒不開將生姜擦齒用姜湯調三錢服○婦人產後敗血作疼用一錢或五分艾葉煎湯老酒研末送下自嚼亦可○男婦打傷青腫不消用一錢嚼細塗患處卽消○男婦害眼十分沉重不開用一錢嚼爛塗眼外一宵卽愈○紅白痢疾用一錢

研末木香黃連煎湯或米泔水送下。○蛇虎傷用一錢磨細酒送下。餘嚼塗患處立効。○畏人下蠱毒先嚼一錢遇毒卽返神効。○男婦喉瘋單雙鵝頭用一錢爲末鹽酒送下。○男婦心氣疼量年久近用二錢或一錢爲末溫酒調下或自嚼酒送下亦可。○男婦血淋用一錢燈草姜湯送下。○婦人血山崩量年遠近研末一錢用淡白酒或米湯服一二次卽愈。○腸紅下血用四物湯加三七五分服最効或用槐角煎湯或空心用溫酒服。○杖傷或刃破淤血取三七隨傷大小咀嚼罨之卽愈。行杖時先服一錢亦可使血不冲心杖後尤宜屢服。

無名腫毒或癰疽等。○不止一二錢研細塗上痛卽止或初起以好米醋磨塗卽散。



